



**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KOMISIJA ZA FINANSIJE I BUDŽET**

Broj: 01/4-011- 754 /01
Sarajevo; 19.11.2001.god.

IZVJEŠTAJ

sa 22. sjednice Komisije za finansije i budžet održane 19.11.2001.god. u 13,00 sati.

Sjednici su prisustvovali sljedeći članovi:

Emina Zaćiragić, Predsjedavajući Komisije
Zdenko Vukić, Drugi zamjenik Predsjedavajućeg
Ramiz Vilić
Boro Bjelobrk
Dragi Stanimirović
Salih Kulenović
Tihomir Gligorić

Našid Oruč, sekretar

Sjednici nisu prisustvovali Mirko Baković i Ljubomir Kovačević, koji je najavio svoje odsustvo zbog službenog puta.

Komisija je usvojila sljedeći dnevni red sjednice:

1. Usvajanje izvještaja sa 21.sjednice Komisije
2. Ugovor o zajmu (projekt rekonstrukcije željeznice) između BiH i Evropske banke za obnovu i razvoj
3. Ugovor o zajmu (Projekt rekonstrukcije elektroenergetskog sistema) između BiH i Evropske banke za rekonstrukciju i razvoj
4. Ugovor o finansiranju između Evropske investicijske banke i BiH (Projekt rekonstrukcije elektroenergetskog sistema)
5. Sporazum o razvojnem kreditu (Projekt olakšanja trgovine i transporta u Jugoistočnoj Evropi) između BiH i Međunarodne asocijacije za razvoj
6. Ugovor o finansiranju između Bosne i Hercegovine i Evropske investicijske banke (Projekat za željeznice u Bosni i Hercegovini)

7. Sporazum između Vlade BiH i Vlade SR Njemačke o finansijskoj saradnji u 1999.god.
8. Sporazum između Vlade BiH i Vlade SR Njemačke o finansijskoj saradnji u 1999.god.
9. Druga pitanja

Nakon usvajanja dnevnog reda , Komisija je konstatovala da sjednici prisustvuju predlagači akata iz tački 2-6 dnevnog reda:

Muharem Imamović, Zamjenik ministra za trezor
Branko Šakota, Pomoćnik Ministra za trezor
Reuf Hadžibegić, Pomoćnik Ministra vanjske trgovine i ekonomskih odnosa za pitanja rekonstrukcije.

Navedeni predstavnici su izjavili (Muharem Imamović) da su u jedinstvenoj funkciji predlagača jer su njihova ministarstva zajednički radili na materijalima (tačke 1-6 dnevnog reda) .

Prije razmatranja pitanja po dnevnom redu, na datu riječ Predsjedavajućeg Komisije, Zamjenik ministra za trezor je upoznao Komisiju o problemima prilikom utvrđivanja prijedloga izmjena i dopuna budžeta institucija BiH i međunarodnih obaveza BiH vezano za kašnjenje stava MMF i utvrđivanje obaveza entiteta po osnovu participacije u budžetu BiH. Naglašavajući hitnu potrebu donošenja rebalansa budžeta Zamjenik ministra za trezor je tražio poduzimanje mjera PSBiH radi hitnog donošenja izmjena i dopuna budžeta institucija BiH i međunarodnih obaveza BiH.

Komisija je zaključila da je potrebno da se «Prijedlog rebalansa» hitno dostavi PSBiH, te da nadležni organi u PSBiH poduzmu mjere da koliko je to moguće u skladu sa Poslovnikom skrate proceduru donošenja «rebalansa». Komisija je također zaključila da se od Predsjedništva BiH i Vijeća ministara BiH traži što prije dostavljanje «Prijedloga budžeta za 2002.god.».

Dalji rad sjednice Komisije uslijedio je po dnevnom redu.

1. Komisija je jednoglasno usvojila izvještaj sa 21.sjednice Komisije.
2. Vezano za razmatranje **tačke 2. dnevnog reda**, Ugovor o zajmu (Projekt rekonstrukcije željeznice) između BiH i Evropske banke za obnovu i razvoj, obrazloženje je dao Reuf Hadžibegić, pojašnjavajući sadržaj, svrhu, uslove i način izmirenja obaveza po «Ugovoru». Gosp. Hadžibegić je također smatrao da predmet iz **tačke 6. dnevnog reda**, Ugovor o finansiranju između Bosne i Hercegovine i Evropske investicijske banke (Projekat za željeznice u Bosni i Hercegovini), tretira istu materiju odnosno obezbjeđuje drugi dio sredstava iz drugog izvora pod sličnim uslovima za isti Projekat.

Komisija je zaključila da Predstavničkom domu dostavi izvještaje (koji se smatraju sastavnim dijelom ovog izvještaja) uz preporuke da se donesu odluke o davanju saglasnosti za ratifikaciju ugovora iz tačke 2 i 6 dnevnog reda.

3. Vezano za razmatranje tačke 3 i tačke 4 dnevnog reda, obrazloženje je takođe dao gosp. Hadžibegić napominjući da se radi o dva ugovora koji tretiraju Projekt rekonstrukcije elektroenergetskog sistema pod sličnim povoljnim uslovima samo sa različitim izvorima finansiranja, uz opasku da Evropska investiciona banka nije odobrila subvenciju kamatne stope na zajam kao u slučaju projekta rekonstrukcije željeznice kao niskoakumulativne grane.

Komisija je zaključila da Predstavničkom domu dostavi izvještaje (koji se smatraju sastavnim dijelom ovog izvještaja) uz preporuku da se donesu odluke o davanju saglasnosti za ratifikaciju ugovora iz tačke 3 i 4 dnevnog reda uz zaključak Komisije da se od Vijeća ministara BiH traži da poduzme potrebne dodatne mjere radi obezbjeđenja operativnosti i efektivnosti cijelog projekta.

4. Obrazlažući Sporazum o razvojnom kreditu, Predlagač (gosp. Hadžibegić) je naveo da se radi o povoljnom dugoročnom kreditu sa dugim grejs periodom, kojim bi se obezbjedile pretpostavke za izvozne mogućnosti BiH kao i potrebni uslovi u interesu slobodne zone trgovine sa zemljama jugoistočne Evrope i šire.

Komisija je zaključila da Predstavničkom domu dostavi izvještaj (koji se smatra sastavnim dijelom ovog izvještaja) da se donese odluke o davanju saglasnosti za ratifikaciju Sporazuma o razvojnom kreditu (Projekt olakšanja trgovine i transporta u Jugoistočnoj Evropi) između BiH i Međunarodne asocijacije za razvoj.

5. Vezano za razmatranje tačke 7. i 8. dnevnog reda Komisija je konstatovala, u skladu sa stavom predlagača po prethodnim tačkama da oni nisu nadležni za ove materijale, da pozvani predlagač Sporazuma po tačkama 7. i 8. dnevnog reda ne prisustvuje sjednici Komisije. Komisija je zaključila da se razmatranje ovih akata odloži do naredne sjednice Komisije, te da se na istu sjednicu Predlagač ponovo pozove.
6. U okviru tačke «druga pitanja» Komisija je upoznata o prispjelim zahtjevima Ureda za veterinarstvo :
- za obezbjeđenje sredstava budžeta po osnovu obezbjeđenja službenih prostorija za Ured
 - za uplatu kotizacije Međunarodnom uredu za epizootrije

Komisija je zaključila da se isti dopisi prosljede Vijeću ministara odnosno Ministarstvu za trezor te da se o tome obavijesti Ured za veterinarstvo.

Predsjedavajući Komisije

Emina Začiragić
Začiragić E.